



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 71. De Coadjutoribus & Professis.

[urn:nbn:de:hbz:466:1-66615](#)

De Coadjutoribus & Professis.

Pariter inter illos ii vocantur Coadjutores spirituales, qui publice Castitatis, Paupertatis & Obedientiae vota nuncupant, ita tamen, ut quartum non emittant votum, vi cuius ceteri ad Pontificis mandatum atque arbitrium ad exteris regiones prædicatum ire promittunt. Hi ergo non modo idonei habentur, ut in Collegiis Professores, sed etiam eorundem Collegiorum Rectores agere valeant, possintque ad hoc eligi, ut generali Congregationi assistant, licet in Generalis electione jure suffragii penitus careant, illosque semper quatuor votorum Professi præcedant. Porro simplices Fratres vocantur Coadjutores temporales, ita dicti, eoquod in domesticis minorisque momenti negotiis sua Societati servitia præstent. Denique Professi dicuntur illi, qui unacum tribus votis consuetis specialiter ad Apostolicas expeditiones eundi obedientiam summo Pontifici spondent, unde hi cuncta, in quibus præcipuum Societatis caput consistit, profitentur, atque exacte Evangelicam paupertatem observare tenentur.

Hist. Eccles. Tom. XXXVIII. I Ce-

Sæcul. XVI. Ceterum solus Generalis Provinciales, nec non in Professorum ac probationum seu Novitiatuum domibus Superiores ac Collegiorum Rectores nominat; ut vero omnium, qui ad munidonei sunt, subditorum notitiam habere queat, totius Europæ Provinciales semel singulis mensibus: domuum vero Superiores, nec non Novitiorum Magistri quolibet trimestri, ac denique Superiores in Indiis, quotiescumque se opportuna navigationis occasio offert suo Generali desuper literas dare tenentur. Præterea ad eundem quoque evolutu quolibet triennio cujuscunque Provinciæ catalogi mittuntur, in quibus cuiuslibet Religiosi ætas, vires ac naturæ dotes, nec non profectus tam in literis quam in virtutibus, ac denique omnes tam probi quam pravi mores describuntur, nec minus generalis Congregatio eidem quinque Assistentes ex natione Itala, Hispana, Gallica, Germanica & Lusitana adjungit, simulque Monitorem adjicit, cui data est Facultas, ut illum de omnibus admoneat, quæ minus vel in eo, vel ejus regimine tam ipsi Monitori quam Assistentibus probantur. Abs dubio S. Ignatius bene perpenderat, quod Generalis sua forte auctoritate abutipos.

posset, ut proin illa variis correctio- Sæcul. XVI.
num modis, atque opposita auctoritate A. C. 1542.
temperanda foret.

§. LXXII.

*Franciscus Xaverius ad Goanum
portum appulus.*

Interim Franciscus Xaverius hyeme Mozambici transacta tandem ad Goa- num portum applicuit. Est Goa Indiæ Metropolis ad occidentalem plagam in Peninsula citra Gangem sita, quæ pulchritudine, ac commercio ceteras Orientis urbes longe antecellit, iliusque Episcopus tunc temporis erat Joannes Albuquerius Vir e S. Francisci familia pariter religione ac doctrina celebris: ibi igitur, quamprimum Xaverius e navi excederat, mox in regio valetudinario, licet invito etiam Pro-Rege, qui eidem in suo Palatio diuersorium parabat, sedem fixit, postea vero Vir Apostolicus Episcopum officiosa salutatione prævenit, eidemque literas Apostolicæ legationis sibi a Papa demandatae testes exhibuit, atque ad ejus pedes provolutus, ea omnia se ei tradere, nec secus, quam sub Epi- scopi auspiciis ac beneplacito data po- testate se usurum ajebat. Albuquer-